



53408

kal. komp.

I Mag. St. Dr.

P

Wilezek Danielis: Disputatio philozophica
de multitudine formarum unius vi-
ventis.

252

DISPVATIO PHILOSOPHICA.

De multitudine Formarum

vnius viuentis.

Quam

DEI OPT. MAX. auxilio,

*Sub felicibus auspiciis Adm. R. P. ac Magnifici Do-
mini, M. Basilij Golenij Sacre Theol. Doct. ac Pro-
fessoris, Canonici Cracouien. Theol. Facultatis
Decani, Vniuersitatis Crac. Generalis
RECTORIS,*

*In alma Academia Cracouien. discutienda
publicè proponit*

DANIEL WILCZEK,

Artium liberalium & Philosophie Magister.

Permissu M. D. RECTORIS.

CRACOVIAE.

In Officina Typographica Francisci Cefarij,

Anno Domini, M. DC. XXIII.

AD INSIGNIA.



53408
I

Hinc Cydaris sacris clara, illinc Fascia factis,
Dat Deus hoc, illud Patria habere decus.
Hoc typus Officij, hoc Virtutis : fundat vtrumq;
Sanctâ progressus in Pietate suos.
Felix STARCZEVI Virtus quem promouet, ornat
Cum Patria Numen, Relligioq; beat.



Perillustri ac Reuerendiſſ: Domino,

D. S T A N I S L A O
S T A R C Z E W S K I,

Dei & Apoſtolicæ Sedis gratia,
EPISCOPO LACEDÆMONENſI;
Suffraganeo, Abbati, & Canonico Plocen. &c.
Domino, & Patrono benigniſſimo.

M. Daniel Wilczek S. & F.



Academicâ lege ita iam ſancitum
eſt, Perilluſtris ac Reuerendiſſ:
DOMINE, ut eadem ferè ſit Philo-
ſophis, quæ & Theologis diſputan-
di ratio. Ut enim hi, ſiue pro com-
plendo laborum ſuorum Cursu, ſiue pro conſequen-
dis in Sacra Facultate honoribus & præmijs, Que-
ſtionibus quâ manu ſcriptis, quâ etiam typis procu-
ſis publicè contendunt: ita illi ſtipendiario Profeſſo-
rum Ordini adſcribî volentes, præter illos non pa-
rùm graues Philoſophicos, ut vocant, Actus, atq;
laborioſam illam, quam ex Officio ſuſtinent, Diſpu-
tationum molem, Queſtiones itidem typis manda-

A 2

tas Pu-

tas Publico certamini proponūt, sese omnibus omni-
um artium ac disciplinarum Professoribus oppugnā-
dos obijcientes. A quo certè ego, prudenti aliqui
maiorum instituto, ne transuersum, quod aiunt,
vnguem discederem, dum in Academia nostra e-
quali cum alijs Competitoribus contentione, stipen-
diariae Professionis munus ambio, laudabilem illam
de CORPOREITATIS FORMA Questionem pu-
blicè disputandam, in Philosophicam arenam pro-
duco. Graue quidem ingenij viribus negotium! sed
eius omnem grauitatem sustentat & alleuat quo-
dammodò Tuum Reuerendiſſ: D. cui eam Dispu-
tationem inscribo, Patrociniū. Ecquod enim quam-
libet arduum ac difficile onus, nō mediocre tenuēne
presidio tanti Patroni existat, cuius singularem pru-
dentiam, consilium, integritatem, animi magnitu-
dinem, Regi, Pontificibus, Principibusq; in Repub.
viris, domi forisq; probatam, omnes ordines atq; sta-
tus æquè commendant? Te, Reuerendiſſ: Antistes,
augustissima Diœcesis Ptoeensis, cuius in rem & cō-
modum sedulam semper impendis operam, incredi-
bili Affectu prosequitur. Te Conuentus eiusdem
Capitulares in consilijs de rebus maximis dandis, iu-
diciis ferendis, sententijs dicendis, Oraculi propemo-
dum

dum loco ac numero habent. Industriam Tuam &
fidem Illustrissimis MARTINO SZYSZKOWSKI Crac.
ac HENRICO FIRLET Plocen. Episcopis sue Virtu-
tis ac Felicitatis immortalitate dignissimis notam
& acceptam, testatur sollicita Boni Ecclesiastici Pro-
curatio. Pietatem & Religionem comprobat Tem-
pli Cœnobijq; Abbatialis sumptuosa Edilitas. Dili-
gentiam & sedulitatem in tractandis publicis pri-
vatisq; negotiis, declarant & nocturne Vigilie, &
quotidiani Labores Tui. Atq; has tantas animi Tui
dotes, Religiosissimus REX SIGISMUNDVS. quem
& omnes confitentur, & res ipsa loquitur, cum in
ceteris rebus rarâ quadam & exquisitâ prudentiâ,
tum miro in pernoſcendis hominum ingeniis acumi-
ne, & maturâ in ornandis cuiusq; virtutibus volun-
tate præditum esse, cum ad præclara quæq; gerenda se
effequentes olim cognôſſet, primum quidem Te in au-
gustissimum Cathedralium Canonicorum Plocensi-
um Collegiũ adſcitum esse voluit: deinde verò Ab-
batiâ Plocensi cohoneſtauit: tum non multò post ad
inclitã Episcopam Lacedæmonensem, & Suffra-
ganeatũ Plocensem magno Christianæ Reipub. bo-
no, & admirabili omnium ordinum gaudio euexit.
tantaq; auctum dignitate, in iisdem adhuc muneribus de-

1652. A. 3.

bus detinet, ut difficile iudicatu sit, utrum optimus
ac sapientissimus PRINCEPS, maiora compararit
presidia Felicitatis, an Insignia quesierit Honoris
Tui. Quare cum omnes curas, omnes vigilias atq; la-
bores in promouenda ornandaq; rei Ecclesiastica di-
gnitate desigas, non possunt non grata acceptaq; Ti-
bi accidere, quæ pro illius Amplitudine & Orna-
mento collata sunt in medium. Accedit & Doctri-
na multiplex, & excellens à natura Ingenium, &
cum omnium magnarum rerum usu, tum Philoso-
phiæ cognitione haud imperitum Iudicium Tuum,
quo Tibi facilem aditum per aulas Palladias, perq;
spatia Academiæ, ad abditas gemine sapientiæ
opes, aperuisti: Sic tu à Tantis Parentibus non de-
gener alumnus, rudiori huic Disceptatiuncule mee,
patientiore & tutela, & gratiæ sinum pandere non
detrectabis. quin potius Literas rebus & factis or-
nare, & ingenia liberalibus ubicunq; subsidiis suble-
uare assuetus, istud deuotissimæ erga Te voluntatis
meæ qualecunq; argumentum, libenti ac prono ani-
mo abs te accipi, Meq; in numero eorum, quos exi-
mie Tuae Virtutis admiratio adiunxit Tibi, censerî
patieris. Vale, viueq; diu ac felix, Mecenas Am-
plissime, in Patriæ ac Reipub. Christianæ decus &
presidium. Cracouiæ Prid. Id. Martij 1623.

QVÆSTIO.

V. in aliquo Composito substantiali Viuente possint esse plures Animæ realiter distinctæ, multiplicatæ ad numerum prædicatorum Essentialium Compositi, simul cum Forma Corporeitatis, quæ à Forma specifica distinguatur, aliasq; formas Partiales pro distinctione organorum secum admittat, necne?

CONCLUSIO I.

Immota est veritas dari in rerum naturâ
Compositum Substantiale Viuens.

Corollaria.

*I. Omnes res naturales seu Corporea (materiâ
exce-*

exceptâ) constant formâ substantiali, tanquam principio intrinseco, & causa formali.

2. Forma substantialis est Causa Compositi.

3. Compositum substantiale perfectius habet esse, quàm sua Causa qualibet intrinseca diuissim accepta.

4. Falsum est formam Rationalem eadem actione, quâ totum Compositum, fieri.

5. Unio partium Compositi substantialis, & à materia & à forma secundum diuersa genera causatur.

6. Probabilius est, unionem Compositi materialis esse unam tantum, eamq; tenere se ex parte formæ.

7. Compositum accidentale est effectus formæ accidentalis, quod rationem formalem.

CONCLUSIO II.

Non dantur plures Animæ realiter à se distinctæ in vno atq; eodem Composito substantiali Viuente.

Corollaria.

1. In unoquoq; Viuentium unica numero dun-

taxat est *Anima*, quæ cæteras virtute ac potentia continet.

2. Virtualiter continere nihil aliud est, nisi plus posse naturalibus potentijs in operatione, quam illud, quod continetur.

3. *Vegetativum* & *Sensitivum* tametsi insint homini & bruto; non insunt tamen, ut distincta ab invicem, verum ut identificata realiter.

4. Non est omnino simplex illa identitas *Vegetantis* & *Sentientis* comprehensarum eminenter in *Rationali*.

5. Non prohibet quidpiam distincta formaliter, vel quasi specificè unitivè, vel etiam per identitatem, in uno eodemq; Composito substantiali reperiri.

6. Quemadmodum fictitium ac ludicrum est dicere in morte Christi Domini separatâ animâ intellectuâ, mansisse in sepulchro Corpus vivum vitâ animantis, vel ad minus sensitivâ: ita tunc easdem illas Animas separatas fuisse, aut corruptas Theologicæ veritati aperte repugnat.

7. Non modò secundum diuinam fidem, sed etiam secundum veram Philosophiam ac ratio-

B

nem

nem naturalem perspicuum est, Vnumquodq̃ corpus humanum habere suam propriam Animam intellectualem, distinctam ab aliorum quorumcunq̃ animabus, etiam mortuorum, atq̃ adeò tot numero esse animas, quot humana corpora.

CONCLUSIO III.

IN Composito substantiali Phycico, non sunt ponendæ tot numero formæ substantiales realiter distinctæ, quot sunt prædicata quidditatiua, quæ de ipso dicuntur.

Corollaria.

1. In Causis formalibus essentialiter accidentaliterue ordinatis, impossibilis est processus in infinitum, etiamsi nullus ordo essentialis ponatur, sed simpliciter est deueniendum ad vnum primum Effectiuum in quouis genere & ordine.
2. Ac multò magis eiusmodi infinitas à Causa materiali permanente excluditur.
3. Neq̃ prædicata essentialia in eadem re progressum in infinitum admittunt.
4. Correspondent secundùm Arist. 7. Metaph. cap: 10.

cap: 10. partes definitionis unitæ, ut genus & differentia, partibus definiti, quod conuertitur cum definitione, sed nequaquam partes realiter distincte diuissim sumptæ.

5. A formarum numero rectè potest colligi predicatorum multitudo, tanquam à Causa & à Priori, non tamen formarum multitudinem à numero predicatorum venari conuenit.

6. Animal cùm sit unum continuum, sit ut non constet partibus siue formis specificè distinctis.

7. Impossibile est, indiuiduum per eandem formam esse Ens, substantiam atq; Corpus, quin per eandem sit simul & species & genus.

CONCLUSIO IV.

P Ræter vltimam formam specificam, quæ Anima dicitur, non est ponenda in Composito substântiali forma Corporeitatis cæterna materiæ, realiter distincta à forma specifica.

Corollaria.

1. Prima Causa materialis substantiarum generabi-

nerabilium, neque secundum se habet formam Corporeitatis, neque secundum se est Corpus aliquod seu Substantia completa atque integra in essentia & specie substantie.

2. Ad Substantiarum generationem non supponitur per modum subiecti, in quo generatio recipiatur, aliquod corpus ingenerabile & incorruptibile, sed solum materia prima quoad substantiam.

3. Causa materialis rerum generabilium non est substantia composita ex substantiali potentia, & aliquâ formâ substantiali incompleta, & quasi generica.

4. Non est necesse ad substantialem generationem, precedere subiectum generationis, quod sit ex materia & aliqua forma Compositum.

5. Error est secundum gradus genericos & específicos substantiarum materialium multiplicare formas substantiales realiter distinctas.

6. Licet forma quasi generica & specifica, per potentiam Dei absolutam possint simul actuare materiam: tamen quod due forme eiusdem speciei simul coniungantur ad actuandam eandem
poten-

potentiam substantialem, ex natura rei est plane impossibile.

7. In re quæ generatur, licet non maneat aliqua forma substantialis, quæ erat in re corrupta: accidentia tamen corrupti eadem numero manent in re genita.

CONCLUSIO V.

In Viuente quolibet non sunt plures formæ substantiales. v. g. in Homine non est Forma alia ossis, alia carnis, nerui &c. sed vna & eadem vltima forma specifica, vt in Homine Anima Rationalis, dat omnia ista Esse partialia; pro diuersitate dispositionum, quæ sunt in diuersis partibus corporis humani.

Corollaria.

1. In viuentibus habentibus diuisibilem animam & coextensam materie, facile concedi potest, in diuersis partibus heterogeneis, esse diuersas partes formæ heterogeneas.

2. Secus in partibus humani corporis heteroge-

neis accidit, in quibus unica forma, & non plures
partiales reperiuntur.

3. Verisimile tamen est plures partiales formas
homogeneas, unam formam totalem integrantes,
in eodem Composito inueniri.

4. Partes animalis non differunt specie perfectâ,
propriè loquendo, licet specie imperfectâ, hoc est,
diuersis dispositionibus distinguantur.

5. Capilli, pili, ungues, alique omnes huius-
modi partes eadem animâ substantiali totius in-
formantur.

6. Sanguis cum reliquis humoribus, cholerâ sci-
licet, phlegmate, & melancholiâ, est de essentia ac
integritate nature viuentis, tanquam id sine quo
eius vita consistere nequit.

7. Anima cuiuslibet animalis sanguinei ita in-
format sanguinem, ut sanguis sit pars integralis
talis animalis. informatur autem quoad esse ve-
getatiuum, & non sensitium; quod ipsum eti-
am de alijs tribus humoribus asserimus.

Quæstio hæc cum suis Conclusionibus & Corollarijs de-
cidetur ac disputabitur in Collegio Maiori DD. Theologo-
rum, Hora 12. Die 15. Martij. Anno 1623.

IN STEMMA ACAD. CRAC.

QUod Cracijs Musis erexit Apollo Lyceum,
Olim Palladiæ credidit illud opi.

Sensit quippè hostes confines affore Regno
Artibus excidium quos agitare iuuet.

Utq; aliquo sobolem tutamine redderet auctam,
Arma sibi castris misit ab Aoniis.

Pro Scuto DIADEMA; Duo. pro Cuspide, SCEPTRA]
Hoc, ait, esto diu pignore tuta cohors.

Immortali Deo gloria immortalis.



IN STEINMA AGAD. GRAC.

Vod Grac ita Multis crexit A pollo Lycum.

Olum Palladis credidit illud opi.

scutis quippe hostes conatus affore Regno

Arctus excidium dnos agere iunct.

Vep aliqno sobolem tutamini redderet auxilium.

Arms sibi castis milt ab Aonns.

Tro sentio DIAEMA; Duo pro Cupido. SECTRA.


Hoc, sic, esse diu pignore tua cohor.

Immortalis Deo gloria immortalis.



29.1.7.

Biblioteka Jagiellońska



slcr0022126

